

25 FEB 2001

DR MAHATHIR SAKSI GRAND PRIX POWERBOAT

JOHOR BARU, 25 Feb (Bernama) -- Perdana Menteri Datuk Seri Dr Mahathir Mohamad hari ini menyaksikan perlumbaan Formula One Bot Laju Malaysia di Pantai Stulang Laut, Tanjung Puteri di sini.

Ketibaan Dr Mahathir dan isteri Datin Seri Dr Siti Hasmah Mohd Ali di Lapangan Terbang Senai disambut oleh Menteri Besar Johor Datuk Abdul Ghani Othman.

Mereka kemudian bertolak ke Tanjung Puteri untuk menyertai beribu-ribu peminat menyaksikan perlumbaan itu yang ulung kali diadakan di Johor.

F1 Malaysia itu merupakan permulaan Kejohanan Dunia 12 pusingan. Para peserta daripada 15 negara mengambil bahagian dalam acara tahun ini. Acara itu sebelum ini pernah diadakan di Pulau Pinang pada 1994.

Dalam buku cenderamata acara itu, Perdana Menteri berkata kejohanan itu menunjukkan keyakinan masyarakat antarabangsa terhadap kemampuan dan kewibaaan Malaysia menjadi tuan rumah kepada sukan bertaraf dunia.

"Penganjuran kejohanan itu juga mencerminkan kegigihan kita untuk meneroka arena sukan dunia sebagai medan baru bagi mempromosi negara ini di mata dunia," kata Dr Mahathir.

-- BERNAMA

TCL RV PR